



# 欽定四庫全書薈要

史部  
正史類

吉林出版集團有限責任公司  
海天出版社

目次

| 書名         | 卷次        | 頁次     | 作者                |
|------------|-----------|--------|-------------------|
| 唐書         | 卷四九上—卷七五下 | 一一三—一  | 宋·歐陽修、宋祁撰<br>董衝釋音 |
| 卷四九上       |           | 一一三—一  |                   |
| 志第三九上 百官四上 |           | 一一三—一四 |                   |
| 卷四九下       |           | 一一三—一四 |                   |
| 志第三九下 百官四下 |           | 一一三—二五 |                   |
| 卷五〇        |           | 一一三—二五 |                   |
| 志第四〇 兵     |           | 一一三—三七 |                   |
| 卷五一        |           | 一一三—三七 |                   |
| 志第四一 食貨一   |           | 一一三—四四 |                   |
| 卷五二        |           | 一一三—四四 |                   |
| 志第四二 食貨二   |           | 一一三—五二 |                   |
| 卷五三        |           | 一一三—五二 |                   |
| 志第四三 食貨三   |           | 一一三—五九 |                   |
| 卷五四        |           | 一一三—五九 |                   |
| 志第四四 食貨四   |           | 一一三—五九 |                   |

| 書   | 名    | 卷   | 次 | 頁       | 次 | 作 | 者 |
|-----|------|-----|---|---------|---|---|---|
| 卷五五 | 志第四五 | 食貨五 |   | 一二二—一七一 |   |   |   |
| 卷五六 | 志第四六 | 刑法  |   | 一二二—一八一 |   |   |   |
| 卷五七 | 志第四七 | 藝文一 |   | 一二二—一八九 |   |   |   |
| 卷五八 | 志第四八 | 藝文二 |   | 一二二—一〇三 |   |   |   |
| 卷五九 | 志第四九 | 藝文三 |   | 一二二—一二七 |   |   |   |
| 卷六〇 | 志第五〇 | 藝文四 |   | 一二二—一五一 |   |   |   |
| 卷六一 | 表第一  | 宰相上 |   | 一二二—一六九 |   |   |   |
| 卷六二 | 表第二  | 宰相中 |   | 一二二—一九〇 |   |   |   |
| 卷六三 | 表第三  | 宰相下 |   | 一二二—二〇二 |   |   |   |

| 書名                   | 卷次 | 頁次      | 作者 |
|----------------------|----|---------|----|
| 卷六四<br>表第四 方鎮一       |    | 一二三—二二八 |    |
| 卷六五<br>表第五 方鎮二       |    | 一二三—二三〇 |    |
| 卷六六<br>表第六 方鎮三       |    | 一二三—二四三 |    |
| 卷六七<br>表第七 方鎮四       |    | 一二三—二五三 |    |
| 卷六八<br>表第八 方鎮五       |    | 一二三—二六六 |    |
| 卷六九<br>表第九 方鎮六       |    | 一二三—二七七 |    |
| 卷七〇上<br>表第一〇上 宗室世繫上  |    | 一二三—二八七 |    |
| 卷七〇下<br>表第一〇下 宗室世繫下  |    | 一二三—三二五 |    |
| 卷七一上<br>表第一一上 宰相世繫一上 |    | 一二三—三七二 |    |

| 書名                                                                                                                                                                                                                                                                   | 卷次 | 頁次                                                                                                                                     | 作者 |
|----------------------------------------------------------------------------------------------------------------------------------------------------------------------------------------------------------------------------------------------------------------------|----|----------------------------------------------------------------------------------------------------------------------------------------|----|
| <p>卷七二下<br/>表第一二下 宰相世繫二下</p> <p>卷七二上<br/>表第一二上 宰相世繫二上</p> <p>卷七二中<br/>表第一二中 宰相世繫二中</p> <p>卷七二下<br/>表第一二下 宰相世繫二下</p> <p>卷七三上<br/>表第一三上 宰相世繫三上</p> <p>卷七三下<br/>表第一三下 宰相世繫三下</p> <p>卷七四上<br/>表第一四上 宰相世繫四上</p> <p>卷七四下<br/>表第一四下 宰相世繫四下</p> <p>卷七五上<br/>表第一五上 宰相世繫五上</p> |    | <p>一二二一四〇八</p> <p>一二二一四五八</p> <p>一二二一五二七</p> <p>一二二一五五六</p> <p>一二二一六一五</p> <p>一二二一六五六</p> <p>一二二一六九五</p> <p>一二二一七三九</p> <p>一二二一七七三</p> |    |

書

名

卷七五下

表第一五下

宰相世繫五下

卷

次

頁

二二一八二八

次

作

者

欽定四庫全書薈要

史部  
唐書卷四十九上

欽定四庫全書薈要卷五千一百八十一 史部

唐書卷四十九上

宋翰林學士歐陽修撰

第三十九上

百官志

十六衛

左右衛上將軍各一人從二品大將軍各一人正三品將軍各二人從三品掌宮禁宿衛凡五府及外府皆總

欽定四庫全書

唐書  
卷四十九上

制焉凡五府三衛及折衝府驍騎番上者受其名簿而

配以職皇帝御正殿則守諸門及內廂宿衛仗非上日

亦將軍一人押仗將軍缺以中郎將代將軍掌貳上將

軍之事左右驍騎左右武衛左右威衛左右領軍左右

金吾左右監門衛上將軍以下品同

武德五年改左右翊衛曰左右衛府

左右驍騎衛曰左右驍騎府左右屯衛曰左右威衛左

右禦衛曰左右領軍衛左右衛身府曰左右府唯左右

武衛府左右監門府左右候衛仍隋不改顯慶五年改  
左右府曰左右千牛府龍朔二年左右衛府驍衛府武  
衛府皆省府字改左右威衛曰左右武威衛左右領軍  
衛曰左右戎衛左右候衛曰左右金吾衛左右監門府

詳校官編修臣王天祿

曰左右監門衛左右千牛府曰左右奉宸衛後又曰左右千牛衛咸亨元年改左右戎衛曰領軍衛武后先宅元年改左右威衛曰左右武威衛左右武衛曰左右鷹揚衛左右威衛曰左右豹韜衛左右領軍衛曰左右玉鈴衛貞元二年初置十六衛上將軍左右衛有錄事一人府一人史二人亭長八人掌固四人

長史各一人從六品上掌判諸曹五府外府稟祿卒伍軍團之名數器械車馬之多少小事得專達每歲秋贊大將軍考課

錄事參軍事各一人正八品上掌受諸曹及五府之外府事句稽抄目印給紙筆

欽定四庫全書

唐書 卷四十九上

倉曹參軍事各二人正八品下掌五府文官勲考假使

祿俸公廨田園食料醫藥過所自倉曹以下同品

有府二人

史四人兵曹府四人史七人騎曹府二人史四人曹曹府三人史三人武后長安初改鎭曹曰曹曹中宗即位復舊先天元年又曰曹曹開元初諸衛司倉司兵騎兵參軍改曰倉曹兵曹騎曹曹參軍事

兵曹參軍事各二人掌五府武官宿衛番第受其名數

而大將軍配焉

騎曹參軍事各一人掌外府雜畜簿帳牧養凡府馬承

直以遠近分七番月一易之以勅出宮城者給馬

曹曹參軍事各一人掌兵械公廨興繕罰謫大朝會行從則受黃質甲鎧弓矢於衛尉

奉車都尉掌馭副車有其名而無其人大陳設則它官

攝駟馬都尉無定員與奉車都尉皆從五品下司階各

二人正六品上中候各三人正七品下司戈各五人正

八品下執戟各五人正九品下長上各二十五人從九

品下

武后天授二年置諸衛司階中候司戈執戟謂之四色官

親衛之府一曰親府勲衛之府二一曰勲二府二曰勲

欽定四庫全書

唐書 卷四十九上

二府翊衛之府二一曰翊一府二曰翊二府凡五府每

府中郎將一人正四品下左右郎將一人正五品上親

衛正七品上勲衛從七品上翊衛正八品上總四千九

百六十三人兵曹參軍事各一人正九品上校尉各五

人正六品上每校尉有旅帥二人從六品上每旅帥各

有隊正二十人正七品上副隊正二十人正七品下五

府中郎將掌領校尉旅帥親衛勲衛之屬宿衛者而總

其府事左右郎將貳馬番上者以名簿上于大將軍而

配以職武德貞觀世重資蔭二品三品子補親衛二品  
曾孫三品孫四品子職事官五品子若孫勳官三品以  
上有封及國公子補勳衛及率府親衛四品孫五品及  
上柱國子補翊衛及率府勳衛勳官二品及縣男以上  
散官五品以上子若孫補諸衛及率府翊衛王府執仗  
親事執乘親事每月番上者數千人宿衛內廡及城門  
給粟食執扇三衛三百人擇少壯肩膊齊儀容整美者  
本衛印臂送殿中省肄習仗下每番三衛一人為太僕

欽定四庫全書

唐書  
卷四十九上

四

寺引輅其後入官路艱三衛非權勢子弟輒退番柱國  
子有白首不得進者流外雖鄙不數年給祿稟故三衛

益賤人罕趨之

有錄事府一人史三人唐親衛勳衛置  
驃騎將軍車騎將軍翊衛將軍置車騎將軍

武德七年改驃騎將軍為中郎將軍驃騎將軍皆為郎將  
分左右以親衛曰一府勳衛翊衛曰二府謂之三府衛  
諸衛翊衛及率府親衛勳衛亦曰三衛永徽三年避太子  
諱改中郎將曰旅賁郎將曰翊軍郎太子廢復舊

左右驍衛上將軍各一人大將軍各一人將軍各二人  
掌同左右衛凡翊府之翊衛外府豹騎番上者分配之  
凡分兵守諸門在皇城四面宮城內外則與左右衛分

知助鋪長史各一人錄事參軍事各一人倉曹參軍事

各二人兵曹參軍事各二人騎曹參軍事各一人胄曹

參軍事各一人左右司階各二人左右中候各三人左

右司戈各五人左右執戟各五人左右翊中郎將府中

郎將各一人左郎將各一人右郎將各一人兵曹參軍

事各一人校尉各五人旅帥各十人隊正各二十人副

隊正各二十人

有錄事一人史二人亭長一人掌固四  
五人騎曹府二人史四人曹曹府三人史三人  
左右翊中郎將府錄事一人府一人史二人

欽定四庫全書

唐書  
卷四十九上

五

左右武衛上將軍各一人大將軍各一人將軍各二人

掌同左右衛凡翊府之翊衛外府熊渠番上者分配之

長史各一人錄事參軍事各一人倉曹參軍事各二人

兵曹參軍事各二人騎曹參軍事各一人胄曹參軍事

各一人左右司階各二人左右中候各三人左右司戈

各五人左右執戟各五人長上各二十五人左右翊中

郎將府官同驍騎

有稱長二人錄事一人史二人亭長  
二人掌固四人倉曹府二人史四人  
兵曹府三人史五人騎曹府三人史四人曹  
曹府三人史三人稱長掌唱警為應蹕之節

左右威衛上將軍各一人大將軍各一人將軍各二人

掌同左右衛凡翊府之翊衛外府羽林番上者分配之

凡分兵主守則知皇城東面助鋪長史各一人錄事參

軍事各一人倉曹參軍事各二人兵曹參軍事各二人

騎曹參軍事各一人胄曹參軍事各一人左右司階各

二人左右中候各三人左右司戈各五人左右執戟各

五人長上各二十五人左右翊中郎將府官同驍衛

事一人史二人亭長二人掌固四人倉曹府二人史四人兵曹府三人史五人騎曹府二人史四人胄曹府三人

欽定四庫全書

唐書 卷四十九上

人史三人

左右領軍衛上將軍各一人大將軍各一人將軍各二

人掌同左右衛凡翊府之翊衛外府射聲番上者分配

之凡分兵主守則知皇城西面助鋪及京城苑城諸門

長史各一人錄事參軍事各一人倉曹參軍事各二人

兵曹參軍事各二人騎曹參軍事各一人胄曹參軍事

各一人左右司階各二人左右中候各三人左右司戈

各五人左右執戟各五人長上各二十五人左右翊中

郎將府官同驍衛有錄事二人史二人亭長二人掌固四人倉曹府二人史四人兵曹府三人

人史五人騎曹府一人史四人胄曹府三人史三人

左右金吾衛上將軍各一人大將軍各一人將軍各二

人掌宮中京城巡警烽候道路水草之宜凡翊府之翊

衛及外府飲飛番上皆屬焉師田則執左右營之禁南

衛宿衛官將軍以下及千牛番上者皆配以職大功役

則與御史循行凡敝幕故氊以給病坊

兵曹參軍事掌翊府外府武官兼掌獵師

欽定四庫全書

唐書 卷四十九上

騎曹參軍事掌外府雜畜簿帳牧養之事

胄曹參軍事掌同左右衛大朝會行從給青龍旗襍稍

於衛尉長史各一人錄事參軍事各一人倉曹參軍事

各二人兵曹參軍事各二人騎曹參軍事各一人胄曹

參軍事各一人左右司階各二人左右中候各三人左

右司戈各五人左右執戟各五人左右街使各一人判

官各二人左右翊中郎將府官如驍衛有錄事一人史二人倉曹府二人

人史四人兵曹府三人史五人騎曹府二人史四人胄曹府三人史三人左右街典二人引駕仗三衛六十人

引駕欲飛六十六人大角手  
六百人隋有察非接至唐廢

左右翊中郎將府中郎將掌領府屬督京城左右六街  
鋪巡警以果毅二人助巡探入閣日中郎將一人升殿  
受狀衛士六百為大角手六番閱習吹大角為昏明之  
節諸營壘候以進退

左右街使掌分察六街徼巡凡城門坊角有武侯鋪衛  
士驍騎分守大城門百人大鋪三十人小城門二十人  
小鋪五人日暮鼓八百聲而門閉乙夜街使以騎卒循  
行詔譟武官暗探五更二點鼓自內發諸街鼓承振坊  
市門皆啓鼓三千搥辨色而止

左右監門衛上將軍各一人大將軍各一人將軍各二  
人掌諸門禁衛及門籍文武官九品以上每月送籍於  
引駕仗及監門衛衛以帳報內門凡朝參奏事待詔官  
及繖扇儀仗出入者閱其數以物貨器用入宮者有籍  
有傍左監門將軍判入右監門將軍判出月一易其籍  
行幸則率屬於衛門監守

欽定四庫全書

唐書  
卷四十九上

八

長史掌判諸曹及禁門巡視出入而司其籍傍餘同左  
右衛兵曹參軍事兼掌倉曹曹曹兼掌騎曹

左右翊中郎將府中郎將掌蒞宮殿城門皆左入右出  
中郎將各四人長史各一人錄事參軍事各一人兵曹

參軍事各一人胄曹參軍事各一人

人有錄事一人史二  
人亭長二人掌固

二人兵曹府三人史五人胄曹府三人史四人監門校尉  
三百二十人直長六百八十人長入長上二十人直  
長長上二十人監門校尉掌鼓  
出入唐改監門府郎將為將軍

左右千牛衛上將軍各一人大將軍各一人將軍各二

欽定四庫全書

唐書  
卷四十九上

九

人掌侍衛及供御兵仗以千牛備身左右執弓箭宿衛  
以主仗守戎器朝日領備身左右升殿列侍親射則率  
屬以從胄曹參軍事掌甲仗凡御仗之物二百一十有  
九羽儀之物三百自千牛以下分掌之上日執御弓箭  
者亦自備以入宿主仗每月上則配以職行從則兼騎  
曹中郎將各二人長史各一人錄事參軍事各一人兵  
曹參軍事各一人胄曹參軍事各一人

唐改備身郎將  
曰將軍備身將

日中郎將千牛左右備身左右曰千牛備身初置備身  
主仗有錄事一人史二人亭長二人掌固四人兵曹府

一人史二人曹曹府一人史一人千牛備身十二人備身左右十二人備身二百人主仗一百五十人千牛備身掌執御刀服花鈿紉衣綠執象笏宿衛侍從備身左右掌執御弓矢宿衛侍從備身掌宿衛侍從主仗掌守供御

左右翊中郎將府中郎將掌供奉侍衛凡千牛及備身左右以御刀仗升殿供奉者皆上將軍領之中郎將佐其職有口勅通事舍人承傳聲不下聞者中郎將宣告諸衛折衝都尉府每府折衝都尉一人上府正四品上中府從四品下下府正五品下左右果毅都尉各一人

欽定四庫全書

唐書 卷四十九上

十

上府從五品下中府正六品上下府正六品下別將各一人上府正七品下中府從七品上下府從七品下長史各一人上府正七品下中府從七品上下府從七品下兵曹參軍事各一人上府正八品下中府正九品下下府從九品上校尉五人從七品下旅帥十人從八品上隊正二十人正九品下副隊正二十人從九品下折衝都尉掌領屬宿衛師役則總戎具資糧點習以三百人為團一校尉領之捉鋪持更者晨夜有行人必問

不應則彈弓而嚮之復不應則旁射又不應則射之盡以排門人遠望暮夜以持更人遠聽有眾而罵則告主帥

左右果毅都尉掌貳都尉

每府有錄事一人府一人史二人曹府二人史二人

隊正領兵五十人武德元年改鷹揚郎將曰軍頭正四品下鷹擊郎將曰府副正五品上馬曰長史正八品下校尉正六品下旅帥正七品下廢越騎步兵二校尉及察非據又改軍頭曰驃騎將軍府副曰車騎將軍皆為府諸率府置驃騎將軍五人車騎將軍十人二年以車騎將軍府隸驃騎將軍府置十二軍分關內諸府皆隸焉每軍將軍一人副一人至六年廢七年改驃騎將軍府為統軍府車騎將軍為別將八年復置十二軍貞觀十年改統軍府曰折衝都尉別將曰果毅都尉軍坊置坊主一人檢校戶口勸課農桑以本坊五品勳官為之三輔及近畿州都督府皆置府凡六百三十三永徽中廢長史置司馬一人總司兵司騎二局武后垂拱中以千二百人為上府千人為中府八百人為下府赤縣為赤府畿縣為畿府聖歷元年廢司馬置長史兵曹參軍事又有別將一人從六品下居果毅都尉之次其後分左右各一人尋廢久之復置一人降其品開元初衛士為武士諸衛折衝果毅別將擇有行者為展仗押官右羽林軍十五人左羽林軍二十五人衣服同色諸衛有弩手左右驍衛各八十五人餘衛各八十三人

欽定四庫全書

唐書 卷四十九上

十二

左右羽林軍大將軍各一人正三品將軍各三人從三品掌統北衙禁兵督攝左右廂飛騎儀仗大朝會則周

衛階陞巡幸則夾馳道為內仗凡飛騎番上者配其職有勅上南衙者大將軍承墨勅白移於金吾引駕仗官與監門奏覆降墨勅然後乃得入長史各一人從六品上錄事參軍事各一人正八品上倉曹參軍事各一人兼總騎曹事兵曹參軍事各一人胄曹參軍事各一人自倉曹參軍以下皆正八品下司階各二人正六品上中候各三人正七品下司戈各五人正八品上執戟各五人正九品下長上各十人左右翊衛中郎將府中郎將一人正四品下左右中郎一人左右郎將一人皆正五品上兵曹參軍事一人正九品上校尉五人旅帥十人隊正二十人副隊正二十人

有錄事一人史二人亭長二人掌固四人倉曹兵曹各府二人史四人胄曹府史各二人左右翊中郎將府錄事一人府一人史二人倉曹兵曹各府二人史四人胄曹府史各二人

欽定四庫全書  
唐書  
卷四十九上  
十三

左右龍武軍大將軍各一人正二品統軍各一人正三品將軍三人從三品掌同羽林長史錄事參軍事倉曹參軍事兵曹參軍事胄曹參軍事各一人司階各二人

中候各三人司戈執戟各五人長上各十人

景雲元年軍興元元年六軍各置統軍貞元三年龍武軍增將軍一員有錄事一人史二人亭長二人掌固四人倉曹府史四人胄曹府史各二人

欽定四庫全書  
唐書  
卷四十九上  
十三

左右神武軍大將軍各一人正二品統軍各一人正三品將軍三人從三品總衛前射生兵長史錄事參軍事倉曹參軍事兵曹參軍事胄曹參軍事各一人司階各二人中候各三人司戈執戟各五人長上各十人

有錄事一人史二人倉曹兵曹胄曹府史各一人龍武軍開元二十六年分羽林置左右神武軍尋廢至德二年復置

左右神策軍大將軍各一人正二品統軍各二人正三品將軍各四人從三品掌衛兵及內外八鎮兵護軍中尉各一人中護軍各一人判官各三人都句判官二人句覆官各一人表奏官各一人支計官各一人孔目官各二人驅使官各二人自長史以下員數如龍武軍

左右龍武左右神策號六軍貞元二年神策軍置大將軍將軍十四年置統軍品秩同六軍始殿前左右神威軍有大將軍二人正二品統軍二人從三品將軍二人從五品元和初為一軍號天威軍八年廢以軍隸神策有馬軍步軍將軍及指揮使等以馬軍大將軍知軍事天復三年廢神策軍四年復置神策軍

東宮官

太子太師太傅太保各一人從一品掌輔導皇太子每見迎拜殿門三師答拜每門必讓三師坐太子乃坐與三師書前名惶恐後名惶恐再拜太子出則乘路備鹵簿以從

少師少傅少保各一人從二品掌曉三師德行以諭皇太子奉太子以觀三師之道德自太師以下唯其人不必備先天元年開府置令丞各一人隸詹事府尋廢

欽定四庫全書

唐書 卷四十九上

十四

太子賓客四人正三品掌侍從規諫贊相禮儀宴會則

上齒侍讀無常員掌導經學貞觀十八年以宰相兼賓客開元中定員四人

太宗時晉王府有侍讀及為太子亦置焉其後或置或否開元初十王宅引辭學工書者入教亦為侍讀

詹事府太子詹事一人正三品少詹事一人正四品上

掌統三寺十率府之政少詹事為之貳皇太子書稱令

庶子以下署名奉行書案晝日丞二人正六品上掌判

府事知文武官簿假使凡勅令及尚書省二坊符牒下

東宮諸司者皆發焉

主簿一人從七品上錄事二人正九品下

隋廢詹事府武德初復置

龍朔二年曰端尹府詹事曰端尹少詹事曰少尹武后先宅元年改曰宮尹府詹事曰宮尹少詹事曰少尹有

令史九人書令史十八人

司直一人正七品上掌糾劾宮寮及率府之兵皇太子

朝則分知東西班監國則詹事庶子為三司使司直一

人與司議郎舍人分日受理啓狀太子出則分察鹵簿

之內有令史一人書令史二人亭長四人掌殿六人

左春坊左庶子二人正四品上中允二人正五品下掌

欽定四庫全書

唐書 卷四十九上

十五

侍從贊相駁正啓奏總司經典膳藥藏內直典設宮門

六局皇太子出則版奏外辦中嚴入則解嚴凡令書下

則與中允司議郎等畫諾覆審留所畫以為案更寫印

署注令諾送詹事府

司議郎二人正六品上掌侍從規諫駁正啓奏凡皇太

子出入朝謁從祀釋奠講學監國之命可傳於史冊者

錄為記注宮坊祥書官長除拜薨卒歲終則錄送史館

左諭德一人正四品下掌諭皇太子以道德隨事諷贊

皇太子朝宮臣則列侍左階出入騎從

左贊善大夫五人正五品上掌傳令諷過失贊禮儀以

經教授諸郡王錄事二人從八品下主事三人從九品

下隋有內允武德三年改曰中舍人隸門下坊貞觀初

改中允曰內允太子廢復舊龍朔二年改門下坊曰左

春坊左庶子曰左中護中允曰左贊善大夫司議郎分

左右置左右論德各一人咸亨元年皆復舊司議郎不

分左右其後論德廢而司議郎復分儀鳳四年置左右

贊善大夫各十人以同姓為之景雲二年始兼用庶姓

改門下坊曰左春坊復置論德庶子以比侍中中允以

比門下侍郎司議郎以比給事中贊善大夫以比諫議

大夫論德以比散騎常侍右坊則庶子以比中書令中

書令中書侍郎太子監國則庶子比尚書令有令

史六人書令史十二人傳令四人掌儀一人贊者三人

掌固十人

掌固十人

欽定四庫全書

唐書

卷四十九上

十七

東宮者皆受而藏之

文學三人正六品下分知經籍侍奉文章

校書四人正九品下正字二人從九品上掌校刊經史

唐改太子正書曰正字龍朔三年改司經局曰桂坊罷

隸左春坊領崇賢館比御史臺以詹事二人為令比御

史大夫司直二人比侍御史以洗馬為司經大夫置文

學四人錄事一人正九品下三年改司經大夫曰桂坊

大夫糾正違失咸亨元年復隸左春坊省錄事有書令

史二人書吏二人典書四人楷書二十五人掌固六人

裝潢匠二人熟紙匠筆匠各一人

典膳局典膳郎二人從六品下丞二人正八品上掌進

膳當食丞為之貳每夕更直於厨

龍朔二年改典膳監曰典膳郎有書令史

二人書吏四人主食六人典食二百人掌固四人

藥藏局藥藏郎二人從六品下丞二人正八品上掌和

醫藥丞為之貳皇太子有疾侍醫診候議方藥將進宮

臣涖當如尚藥局之職有書令史一人書吏二人侍醫

唐書 七五三

吏二人典服十二人典扇八人典翰八人  
學固六人武德中有典璽四人開元中廢

典設局典設郎四人從六品下丞二人正八品下掌湯

沐燈燭凡掃鋪設凡皇太子散齋別殿致齋正殿前一

日設幄坐於東序及室內張帷前楹龍朔二年改齋帥局曰典設局齋帥

日郎有書令史二人書吏四人幕士二百四十五人掌固十二人

宮門局宮門郎二人從六品下丞二人正八品下掌宮

門管籥凡夜漏盡擊漏鼓而開夜漏上水一刻擊漏鼓

而閉歲終行儺則先一刻而啓皇太子不在則闔正門

欽定四庫全書 唐書 卷四十九上 十八

還仗如常凡宮中唱時不鼓龍朔三年改宮門監曰宮門郎有書令史一人書吏

一人門僕百人掌固四人

右春坊右庶子二人正四品下中舍人二人正五品下

掌侍從獻納啓奏中舍人為之貳皇太子監國下令書

則晝日至春坊則庶子宣傳中舍人奉行

太子舍人四人正六品上掌令書表啓諸臣上皇太子

大事以牋小事以啓其封題皆上右春坊通事舍人以

進

通事舍人八人正七品下掌導宮臣辭見承令勞問右

諭德一人右贊善大夫五人錄事一人主事二人品皆

如左春坊隋內舍人隸典書坊武德初改曰中舍人管記舍人曰太子舍人永徽元年避太子名復

改中舍人曰內舍人龍朔三年改典書坊曰右春坊右

庶子曰右中護中舍人曰右贊善大夫舍人曰右司議

郎有令史九人書令史十八人傳令四人典謁四人亭長六人掌固十人

家令寺家令一人從四品上掌飲膳倉儲總食官典倉

司藏三署皇太子出入則乘輅車為導祭祀賓客則供

酒食賜予則奉金玉貨幣凡牀几茵席器物非取於將

作少府者皆供焉丞二人從七品下掌判寺事凡三署

出納皆刺於詹事宅莊田園審肥瘠為收斂之數宮朝

坊府土木營膳則下於司藏主簿一人正九品下唐改司府

令曰家令龍朔二年改家令寺曰宮府寺家令曰大夫有錄事一人府十人史二十人亭長四人掌固四人雜

匠百人

食官署令一人從八品下丞二人從九品下掌飲膳酒

醴凡四時供送設食皆顯焉供六品以下元日寒食冬

至食於家令厨者有府二人史四人掌膳四人供膳百四十人奉解三十人